

皇明經世文編

皇明經世文編卷之一百四十二

陳子龍臥子 徐孚遠闇公

華亭

選輯

宋徵璧尚木 周立勳勒卣

宋徵輿轅文叅

周恭肅集

周用

鹽法疏

兩浙總法

條議淮鹽者多條議浙鹽者少存之

照得蕪州府所屬太倉州崇明崑山常熟等縣南連

松江府浙江海鹽一帶近海沿海居民專一興販私

鹽太倉又當江海之交尤易招集流亡越境私販淮

鹽侵占浙西行鹽地方。以致松江分司虛設衙門。日就倒塌。但存荒基。私鹽既行。徒黨日衆。卒難解散。盜賊隨起。若先年施天泰。近日王班頭等。始則圖利販鹽。繼而結黨行劫。又至出海通番。往往爭利。互相讐殺。雖旋加勦除。禍根終在原。其所自實由聚衆販鹽。失今不爲之處。將來地方之患未已。處之之法。惟在浙西鹽貨流通。餘鹽皆有下落。使鹽徒解散。方爲有益。緣照各鹽場俱有鹽課定額。除浙江嘉興分司外。松江分司鹽場俱係松江府所屬華亭上海二縣地。

友華亭縣有浦東袁浦青村青浦共四場上海縣有
天賜下砂并下砂二場下砂三場亦四場其計八場
內除青浦天賜二場坍海外實該六場大約每年額
課每一大引與每小引二引折一大引各四百觔共
該五萬五千四百五十五引九十八觔零每引折銀
六錢每年解部課銀一萬五千一百四十六兩七錢
二分七釐二毫七絲二忽五微其轉解運司本色折
銀一萬五千四百二十六兩一錢二分三釐七毫五
絲通共課銀三萬五百七十二兩八錢四分一釐一

絲二忽五微內該二縣水鄉竈丁無徵鹽課銀七千
五百八十九兩二錢一分四釐五毫六絲二忽九微
七纖五沙俱於二縣秋糧內包補華亭縣包補四千
三百二十九兩六錢三分六釐二毫四絲二忽九微
七纖五沙上海縣三千二百五十九兩五錢七分八
釐三毫二絲前項鹽課俱係竈丁出辦其自煎餘鹽
却不許明白變易前項無徵課銀俱係二縣民戶包
補其竈丁餘鹽亦不許轉買倉用餘鹽既不許賣又
不許買官司又不如先年給價收貯若不私相轉販

餘鹽將何下落。竈丁將何養活。切見凡議鹽法者。皆稱商鹽宜通。私鹽宜塞。多方設法。日新月盛。其實商鹽未嘗不塞。私鹽未嘗不通。然商鹽之塞。是官府自塞。私鹽之通。是官府自通。緣商鹽以引日爲名。利在買求夾帶。及不繳退引。官司以盤掣爲名。利在縱容夾帶。又不追退引。所以商鹽但求苟免捕獲。其實滲漏影射。居多。故謂商鹽未嘗不塞。其官司巡捕私鹽。一向通同作弊。其實家至戶到。俱食私鹽。故謂私鹽未嘗不通。鹽法至此。豈惟商鹽不通。併商鹽亦俱變。

爲私鹽止多一方。專在處置餘鹽。且竈丁煎種辦課。卽是民戶種田辦糧。民戶辦糧餘米聽其變易生理。惟竈丁辦課之外餘鹽却作私鹽。一切有禁。况鹽貨實出天地自然之利。竈丁不得自食其力。人情物理實有不堪。爲今地方之計。莫若將松江分司六鹽場查照原額鹽課銀兩。每場各該若干。本場竈戶每戶若干。又每丁若干。照依徵糧排甲法則立爲三限。修復松江分司衙門。行令浙江運司官一員前來住劄。及時聽令商人入場收買。責令總催批併各竈依限。

將課銀完納限內天色晴乾雨濕逐日開記另報運
此○則○不○論○潮○漲○可○以○通○之○各○處○
司查驗量爲遲速課銀未完就於地頭嚴禁鹽貨出

場中間若有先自辦納課銀停鹽待價者聽從其便
但遇課銀一完隨即開報運司并巡鹽衙門各場餘
鹽聽令各竈丁自行發賣或轉賣陸路肩挑背負并
水路三板小船各人販賣但不許挾持軍器及越過
行鹽地方大約每年限上半年辦課下半年開禁各
竈丁既知餘鹽許令自賣必肯早辦課銀商人既知
餘鹽許容平買必不營求夾帶其餘一應人等亦知

餘鹽不禁轉賣。必不冒法聚衆興販。前項越境淮鹽。無處發賣。不禁自止。日前一應私販。俱可轉爲商人。此法若無窒礙。亦可與嘉興分司一體舉行。其該縣水鄉竈丁。亦可因此招回復業。增辦課銀。漸補無徵之數。如或鹽貨流通。價直低賤。仍聽竈丁免納折色。俱納本色上倉。作爲存積。亦可漸復召商開中。以實邊儲之法。或謂私鹽自來有禁。不知鹽法自來亦自不同。如洪武年間煎鹽工本。在官支給。隨其多少。俱屬官物。其後鹽課立有定額。其外餘鹽。亦有本場收

貯給與米麥之類。故時禁賣私鹽。一是原領在官工本。一是不肯送納本價。罪以私鹽情法。猶有可據。此。後煎鹽工本。既不如先年出於在官。竈丁餘鹽。又不。如先年官爲收買。惟獨禁賣私鹽之法。未見處置。但。餘鹽決無委棄之理。鹽徒決有聚衆之勢。官司決難。去通縱之弊。地方決難免擾攘之患。立法之始。本以。惠民足國。末流之弊。遂至爭民施奪。誠爲可慮。其餘。鹽法事宜。不能備悉。特緣關係地方生靈。輒爲處置。如蒙勅下該部詳議施行。則民生國計幸甚。

理河事宜疏

治河

臣伏覩節該欽奉 勅書內開凡修河事宜勅內該載不盡者俱聽爾便宜處置臣自嘉靖二十二年四月奉 命總理河道伏念漕河係今日軍國重務而臣至愚至陋誤蒙 陛下不以爲不肖俾承官乏居常慄慄寢食靡寧緣見凡今治河事宜前此諸臣相繼悉心規畫然又莫不皆以黃河徒決不常將來利害不能逆覩惴惴然日惟聽河之所爲則是從長之議經久之圖固有所不敢任者近日查到山東兗州

府濟寧州見行文卷一件爲開墾荒田以蘇民困事
又一件爲效愚忠興農功廣 聖心以隆 聖化事
又一件爲專責任墾荒田正民習以固國本事俱該
戶部題奉欽依轉行山東布政司各府州縣開墾荒
田自嘉靖八年以來累經有行稽諸文案未見成功
臣竊伏惟念以爲治河墾田事實相因水不治則田
不可治田治則水當益治事相表裏若欲爲之莫如
古人所謂溝洫者爾今欲舉臣之末議相與乘時整
理此一機會也又當朝覲考察之年百度維新將來

任事得人。是又一機會也。敢以臣之私憂過計爲

陛下陳之。臣惟古今稱聖人之治水者。必曰大禹。禹治水之功。莫大於河。自告厥成功。至周定王五年。河徙礧礧。中間自龍門至於碣石入海。不爲中國害者。蓋一千七百年。然禹之治水。莫備於禹貢。則皆紀其成功也。而禹之自言。則曰予決九川。距四海。濬畎澮。距川。至孔子稱禹。又曰盡力乎溝洫。夫以聖人之所爲。遺于萬世而不泯。固宜不可名言。而禹之自言。與孔子之稱之者。惟曰濬畎澮。曰盡力乎溝洫。然則歷

千七百年。而河不爲中國害者。實大禹盡力溝洫之
賜。故自禹至殷盤庚而稱五遷厥邦以避河圯。溝洫。
蓋小壞矣。圯猶未徙也。至周定王時而河徙。則溝洫
加壞矣。徙猶未決也。至秦廢井田。開阡陌。溝洫掃地
矣。秦祚不延。及漢而河決酸棗。決瓠子。決則甚矣。歷
漢而唐而宋元。河徙河決。不可勝紀。今年治河費若
千萬。明年治河費若干萬。大畧塞之而已矣。溝洫之
政無聞焉。自今黃河言之。每歲冬春之間。自西北演
迤而來。固亦未見大害。逮乎夏秋霖潦時至。吐洩不

及震盪衝激於斯爲甚。攷之前代傳記。黃河徙決於夏月者。十之六七。秋月十之四五。冬月蓋無幾焉。此其證也。夫以數千里之黃河。挾五六月之霖潦。建瓴而下。乃僅以河南開封府蘭陽縣以南之渦河。與直隸徐州沛縣百數里之間。拘而委之於淮。其不至於橫流潰決者。實徼萬一之幸也。夫今之黃河。古之黃河也。其自今陝西西寧。至山西河津。所謂積石龍門合涇渭澧汭漆沮汾沁。及伊洛瀍澗。諸名川之水。與納每歲五六月之霖潦。古與今。亦無少異也。何獨大

禹則能使之安於東北之故道。歷千百年而不變。而後世曾不能保之於數十年之久。由前言之。此其由於阡陌之壞。溝洫之不修者。較然甚明。仰惟陛下臨御以來。愛養元元。無所不至。故於乞墾荒田之疏。屢蒙開允。則於今日肇修溝洫之政。以繼神禹地。平天成。萬世永賴之功。臣愚實有望焉。且黃河所以有徙決之變者。無他。特以未入于海之時。霖潦無所容之也。溝洫之爲用。說者一言以蔽之。則曰備旱潦而已。其用以備旱。潦一言以舉之。則曰容水而已。故自

溝洫至于海。其爲容水一也。夫天下之水。莫大于河。天下有溝洫。天下皆容水之地。黃河何所不容。天下皆修溝洫。天下皆治水之人。黃河何所不治。水無不治。則荒田何所不墾。一舉而興天下之大利。平天下之大患。以是爲政。又何所不可。臣竊見河南府州縣密邇黃河。地方歷年親被衝決之患。民間田地決裂。破壞不成。隴畝耕者不得種。種者不得收。徒費工力。無損饑餓。加以額辦稅糧。催科如故。中土之民。困於河患。實不聊生。至於運河以東。山東濟南東昌兗州。

三府州縣地方雖有汶沂洸泗等河。然與民間田地支節脉絡不相貫通。每年泰山徂徠諸山水發之時。漫爲巨浸。潰決城郭。漂沒廬舍。耕種失業。亦與河南河患相同。或不幸而值旱暵。又並無自來修繕陂塘渠堰。蓄水以待雨澤。遂致齊魯之間。一望赤地。於時蝗蝻四起。草穀俱盡。東西南北。橫亘千里。天災流行。往往有之。此皆溝洫不修之故也。若使溝洫旣修。則豈惟山東河南見在凋瘵之民。得以衣食生活。前日四遠流移之民。孰不願復業墾田。以圖飽暖。昔者招

之不來。今也麾之不去。民利於此。安得不興。臣惟善
救時者在乎得其大綱。善復古者。不必拘於陳迹。臣
之所謂修溝洫者。非謂自畎遂溝洫。一一如古之所
謂。止是各因水勢地勢之相因。隨其縱橫曲直。但令
自高而下。自小而大。自近而遠。盈科而進。不爲震驚
委之于海而已矣。臣又惟念遠謀不可以倖致。美功
不容以雜施。溝洫之政。歷千百年。影迹湮沒。竟莫舉
行。究其所由。夫豈無故。孔子曰。無欲速。無見小利。古
今事功半途而廢者。率由於此。臣愚以爲欲修溝洫。

之政。雖曰不拘陳迹。然時異勢殊。變而通之。不能無所事事。今畧舉其大綱。若正疆里以稽工程。若集人力以助夫役。若蠲荒糧以復流移。若專委任以責成功。若持定論以察羣議。其諸條目。未敢覲縷。議定之後。循其次第。毋以欲速而輒更張。毋因小利而生沮撓。及今黃河南行。雨暘時若。又適遭遇 詔令開墾荒田。至再至三。機會可乘之時。始於河南山東。次及直隸。遠年近日。黃河徙決地方。自日而月。自月而歲。自州縣達之司府。自腹裏達之邊方。在下有臣工相

與協力。在上賴 聖明俯賜幹旋。如無成效。臣甘伏欺罔之罪。臣蚤夜營思。以爲治河裕民之計。無出於此。是以不揣迂謬。昧死上聞。

書

論均糧書

下諭吳中田糧事。敬服急於民隱。如吳江虛糧。病民尤甚。豈容不整理。始謂莫如復圩田原額。則虛糧自除。中間寬狹。民間亦自有持衡之法。宜次第舉行。今均糧極是良法。但均後適見糧重。此非均糧之過。亦

幸因均糧而知弊端。猶惜未能從上面尋究耳。如吳江平時官民田地相兼之家。每年每畝正耗本折須四斗。更重者五斗完官。此外人戶固有出辦輕於此者。今均每畝米二斗銀九分。若以戶部准米則例。則是每畝六斗以常年則例。則是五斗。卽以九分比照准米。亦是四斗七升。所以因均糧始知糧重。今當因其重。更求弊端。似不必以每銀五分准米一斗。縮作每畝三斗七升。姑示其輕也。况與戶部准銀則例不同。則糧當溢原額矣。其弊端多在立法派徵之間。蓋

田糧各有正數。亦各有盈數。會計之時。以糧盈數立

不以示民。增損始得任心矣。

法。加田正數。派徵。徵收之時。以田盈數納糧。從糧正

數支銷。惟餘田不得入會計。其利上不在官。下不在

民。皆從作弊者。操縱出沒。難以究詰。今塘長抄出民

間各圩辦糧田數。多於實徵。可驗也。官府既享均平

之美名。當為吾民祛蒙蔽之宿弊。不然。則是去虛糧

之蝕牟。虧均糧之一簣。將來益無從發端。究竟不然

則得自部而撫院。而府而縣。而都而圖。而圩而戶。田

糧帳目彼此經緯。相通一本。使上下通知。雖重無妨

也。雇役一事。人多稱便。或云不利役頭。官府亦惟攢利勝於害者。則爲之耳。又嘗見他處雇役差役。弊則夏之如循環。大抵專在得人也。

皇明經世文編卷之 終

皇明經世編

周恭肅集

卷之一

論均
賦書

十三

平定堂

呈明經世文編卷之一百四十七

華亭

陳子龍臥子 徐孚遠闇公

選輯

宋徵璧上木 宋徵輿轅文

朱 積早服叅閱

張文定甬川集

議

張邦奇

郊祀議

郊祀

奏爲法古道以格天心事臣竊聞世之所常然者道也天之所常享者誠也善法古者得其道而不膠其

迹善事天者致其誠而不急于文臣待罪留都越茲三載伏覩陛下製敬一箴註程頤視聽言動箴註

范浚心箴蓋于格天之本洞見無疑固守而篤行之

則所謂明德之馨自當昭格于上下而不待禮文之

分祇之義欲合者不得以此立言

擬議矣近者復聞陛下采納諫臣之論下廷臣各

陳所見更定郊祀禮議蓋以神祇合祭非古而欲復

周家二至分祀之制臣仰窺陛下法古敬天之心

必使本末質文咸若三代然後有以慊于志耳臣愚

竊有未敢以爲安者敢陳其說于陛下道也者通

古今而一致故千聖無二心制度也者隨古今而異
宜故百王有殊法夏之禮樂商湯易而新之商何必
泥于夏也然而商之高宗必不改成湯之制作矣商
之禮樂周武王周公易而新之周何必泥于商也然
而周之宣王必不改文武之制作矣是故商周之制
○便○于○立○言○者○也○太祖可以不因而○以○祖○之○制○為○主○太祖之制○陛下不可以不守○陛下志于法古亦法夫禹湯文武之道而已矣亦法
夫禹湯文武之心而已矣禹湯文武之道天地之道
也其心天地之心也由深宮而大廷無顯無隱常與

天心合一而無間焉。則伊尹所謂咸有一德克享天心者。不在成湯而在陛下。然後以大祀之期。齋戒

神明而展燔柴之禮。何患乎神祇之不格。而徒取

祖宗已成之制。紛更爲哉。借曰乃百王所宜取法。則大而封建井田。小而赤友砮簳。無一復行于今者。何獨于郊祀一事而必泥焉也。孔子論爲邦。時取諸夏

輅。取諸殷。樂取諸舜。蓋所不滿於周禮者。亦已多矣。

我太祖汎埽胡虜。肇造寰區。功過百王。而禮樂制度。亦固兼百代而叅酌之。至於敬天之心。則亦禹湯

文武之心也。臣伏聞之。嘗得雷斧。出入則命。捧以前導。聽治則置之几案。以致其顧諟之令。天下勿素祥瑞。若災異。卽時報聞。曰。常使懼心有餘。驕心不敢萌也。是以察日月星辰之行。審雨暘燠寒之變。如人子之於父母。察聽聲色。罔敢或忽。故於躬曆之初。分祀天地。每至齋戒風雨。非時面稽。十年乃推父天母地之義。斷以三陽交泰之月。合祀太祖自分而合必有深意視聖諭曰天地于南郊。及乎齋戒之期。燔燎之日。星月朗曜。祥氛襲人。乃親製樂章。以答靈貺。以定不刊之大典。由是觀之分祀周禮。

也。太祖行之而未安者也。合祀我朝之禮也。文武復生而不易者也。陛下何爲近舍聖祖盡善之

制而遠信周公未成之書乎。且能事人斯能事鬼能饗親斯能饗帝。陛下大祀之日。太祖配上帝。

亦是正論

太祖之心安于合祭而不安於分祭。今將以其所安者而享之乎。抑將以其所不安者而享之乎。夫以太祖心之所安。雖使禮文未善。猶將因之。况粹乎無以諒者。行之百五十年。而欲一旦更之。誠可駭也。

處置經費議

經費

國家近日以來經用不給至有欲以鬻爵度僧爲言者夫二事者所獲無幾而所害甚大誠非聖世所宜行臣竊惟之天下非小憾也土地之所生人力之所養其出不爲少也而猶每患用之不給其來必有自矣蓋欲足費莫若省費所以省費者有三一日昭儉德其本也二曰裁濫賞三曰汰冗食其末也至於所以經畫之方有二曰清理鹽法開廣屯田二者是已臣讀食貨志見文帝躬行玄默而紅腐貫朽武帝商工計利不遺錙銖而大司農每每告匱以是知省

費之可以足費也。曩者朝廷以大婚詔戶部措置銀四十萬兩。廷臣議欲減半。尤已多矣。而陛下竟莫之從。夫一事之舉。所費如此。可謂百目累之。一日捐之矣。今耗財之路。不可縷舉。姑以光祿寺言之。一日之費。供一宴之設。而或至於鉅萬。先帝已嘗裁減。近日復以如舊。尾閭漏卮。一至於此矣。烏得不竭也。陛下誠躬行儉約。明詔中外。則民耗財之路。猶庶幾其以漸而可塞也。古者非有功不賞。賞一人則千萬人勸。彼獻一技。弋一鳥者。何功國家而陛下

爲武宗言之也

輒厚賚之耶。又况享內庖之奉者多贅設。支太倉之粟者率市人。則一人耕之而聚而食之者。復不止于十人矣。此而不爲之裁抑。臣恐財用日耗於上。而民生日困于下也。夫不塞耗財之路。無以開生財之源。今取於民者。軍需襍征。與夫斗斛耗米之加。已不啻數倍於常時矣。民已竭矣。不可以有加矣。其尚有可行者。臣聞劉晏理財。歲收數十百萬。而鹽利居其大半。夫鹽之爲利。上下交濟。公私兼益。昔之人行之而有驗。祖宗制之而有法。固可以坐享其利而永永。

無弊也。今利不歸於國家而歸于權倖之門。豈不惜哉。必使憲臣與轉運等官。絕交通互鬻之私。而輕減鹽估。多召鹽商。循常股之制。以次而給之。而苞苴請託。禁絕而不行焉。則利不歸于權門。而上下交受其益矣。臣又聞西北邊地肥而人勢。曩者小有邊警。○著○鹽○賞○元○食○亦○所○絕○黑○而○每○憂○不○給○者○專○坐○邊○餉耳朝廷遣使以數十萬給之。此其可以常繼也哉。誠使將臣召募邊人。墾田給之。使之世爲土著之兵。則不惟可以備不虞於無事之日。而轉輸餽餉之煩。亦可以計日而減也。此蓋諸葛亮郭子儀行之而有效。范

仲淹朱熹議之而未及行者。今欲行之。亦在擇其人焉。專委任之而已矣。舍此而欲別議經費之方。則桑羊孔僅之謀。非臣之所敢出也。臣聞之易大傳曰。何以守位曰人。何以聚人曰財。財也者。所以守邦之本也。今竊見四方之人。來京師者。言今年天下州郡多被水旱。而東南爲尤甚。不知朝廷將何以恤之。不幸而卒然邊鄙有急。數十萬之師。又將何以餽之。此臣之所以爲大懼也。且天下之事。上因循則下玩愒。因循玩愒之餘。而不有振勵作興之政。出其間以鼓

動中外之心。而革其故習。則其勢將有至于不可爲者矣。此臣之所以重爲之寒心也。謹條所聞上塵睿覽。伏惟詔旨。特賜施行。不勝幸甚。

序

西亭餞別詩序

寧波市舶提舉

唐宋設市舶使。間或領于州郡。兼于轉運。已而專置提舉。諸司不復預。然猶廢置不常。而兩浙提舉之司。在宋已稱簡靖。我國家威德旁流。極天所覆。絕海島夷。往往帆颿修職貢。明州濱東海。日本夷舶之來。於

是焉止故

朝廷命中貴主其事。而提舉市舶之職。

後引優入內地為患者茲歲

率選科目胥監士為之。蓋重邊隅。柔遠人。清貨賄勢。

不可以不慎。然閩廣之地。富商遠賈。帆檣如櫛。物貨

浩繁。應無虛日。而日本之夷。朝貢無常期。十數年間。

僅一再至。雖淫工巧技。委載如山。而率以其異物博

同至物。其供應之節。控馭之方。掌于郡守。犒待之儀。

貢輸之數。主于中官。職提司者。不過檢視之而已。士

之清修而恬靜者。亦樂為之。蓋當重熙累洽。海不揚

波之日。坐鎮邊隅。而宣清穆之風于萬里外國。納肅

慎之矢來越裳之雉昭聖天子威德于無疆其職惡可謂不重邪而事簡地清則上無所爲督過而下無怨訕之虞故任是者苟簡慎而不擾往往不數載間輒超擢以去况純德廉行如陳君者哉君閩南俊士自遊郡庠名稱已播南服弘治乙卯領鄉薦卒業太學官于茲土雖其素履厚蓄未獲大施積德養望爲發軔地者固當在此况四明之士又交賢而並譽之哉吾見受知當道辭荒陬而騰霄漢之表以大需其汪濊之澤者有日也旣越三載考績之京吾鄉大

夫士餞之郡西之亭。咸曰是行也。雖來必不久淹是矣。乃各爲詩歌以聲其情焉。而屬予爲序。

西亭餞別詩序

寧波市無錫舉

甬東爲海岬孤絕處。蛟門虎蹲。古稱天險。高麗日本。暹羅諸蕃航海朝貢者。皆抵此登陸。水陸之間。異服。上下防守。固宜加慎。而海鄉之民。以滄溟爲菑。畚每歲孟夏以後。大舶數百艘。乘風掛帆。蔽大洋而下。而台溫汀漳諸處。海賈往往相追逐。出入蛟門中。國初以翁山險絕。內徙其民而空之。以絕寇源。慮患不爲。

不深。並海要害置衛若所。又設巡海憲臣專領其事。制法不爲不備。然當成化間。倭夷掠大嵩鄆衢。如履無人之境。虜財物子女。掉臂咄啖而去。况方今武備非曩昔比。而異方海質。矚睨日熟。其可虞者又不止倭夷爾矣。市舶之設。專司貢獻。而近復兼與海道。則提舉之司。於海隅休戚。亦不得以非已所職。遂默默而已也。夫島夷以朝貢爲名。其來也理不可得而距。○民之利○海○久○矣○欲○其○定○寸○故○不○計○下○海○之○音○是○激○亂海隅之民恃海而食其出也。勢不可得而圍。必使巡。也○然○浙○與○閩○亦○自○不○同○或○使○當○寬○而○此○當○嚴○乎海憲臣恒駐蛟門之內。督率武弁。慎封守而譏非常。

則可以無患。不然，遙居數百里外，平時蠹弊，旣莫省
刷，而卒然有警，又不能以相及。至於菟去而嗾犬，羊
亡而補牢，斯亦晚矣。陳君克寬以潛山著姓，卒業太
學，官四明之提司，三載考績，將之京。明之楮紳士餞
之郡西之亭，各爲詩歌以嘉陳君。夫以君敦敏之資，
加之以廉慎，以是見察於監司，書其考曰才，曰無過，
而上之銓曹，固足以循資而進。然君子居其土，則慮
其民，況職業有相關者乎。其以吾所聞者告之當道，
聞之天子，爲明州曲突徙薪，則豈特三載之績云。

爾哉。明天子方聿新政令，凡海內休戚利弊正所樂聞，適雲龍之會，被非常之恩，將不在斯行乎，書以爲西亭餞別詩序。

碑

徐州洪開碑文

徐州洪開

我國家肇闢寰宇，薄海內外，咸入朝貢。成祖文皇帝定鼎幽燕，大濬元會，通河漕東南之粟，歲數百萬石入于京師，百五十年，罔或梗滯。南自江淮，北至海口，二千餘里，其間山東諸泉，汶泗諸流，恒不足以濟。

率領黃河入之。然後水勢克盈。漕舟利焉。廼者河自
趙皮寨南趨亳泗而不復經徐。徐州小浮橋斷流。徐
呂二洪隨亦告竭。咽喉旣梗。當宁軫憂。於是兵部侍
郎石岡王公特承簡命。輟樞務以來。旣至。會同總督
漕運都御史約菴周公。揔理河道。副都御史淺齋郭
公。暨巡按直隸監察御史楊君勉學。巡鹽御史胡君
植。相度諮謀。以河勢湍悍。未易挽回。而濬泉導流之
餘。蓄防宜密。乃于境山鎮翠柳亭。呂梁洪迤南置石
閘各一。又于高家灘諸處置壩者三。爲品字。置順水

壩者二、板閘者一、以節束水勢、而所謂翠柳亭者、南于徐州洪數里下流之衝、尤宜瀦遏、然河深且廣、施功加難、則擇才鳩工、務底堅緻、蓋于閘兩傍爲石墩、高各二仞有半、廣厚倍之、墩左右爲鴈翅、長各六仞有半、皆糜泚灰石灌而紮之、而又貫以鐵錠、聯以鐵鎖、閘底布襯石皆如之、墩石下承以木板、板之下施以龍骨、又其下立椿木、深入泥中、凡萬三千有奇、閘附東岍西畱月河、橫以土壩、長爲丈五十有六、廣爲丈三、高半之、經始于辛丑八月二十五日迄工于十

一月二十日、凡用夫一千名有奇、銀五千二百兩有奇、率取諸河道備用之資、不絲粟于民云、

雜著

恭題

高皇命符

國初授官給符、識以半璽、給由入覲、則合焉以考其績、乃古斬瑞之遺制、此符乃湖廣左布政使臣張真受諸高廟者也、真五世孫瑞州府太守臣淮以示臣邦奇、臣邦奇謹拜手稽首而題其後曰、太祖之舉義也、臣真實首從焉、至洪武十八年、真以錦衣衛

鎮撫致仕其子襲職既五年矣一日召其子謂曰爾父尚在明日當來見家甚恐比庭見則錫以茲符蓋真從聖祖周旋日久其才猷德性固有足任屏翰者不然聖祖聰明神武愛重官職又起自民間加慎牧民之司詎肯以數千里大藩無故而加一老鎮撫哉且符命有曰情意交孚所以誠之至也則當時君臣相與之情可以想見宜乎百六十年以來人心鞏固皇圖莫安如一日然者臣淮以進士爲南京戶部郎中被今天子簡命爲瑞州守器執功業闔

未可量。夫以橋山之弓、曲阜之履，能世守之，亦云難矣。况將丕隆先人之休烈乎。書曰：顓俊尊上帝。傳曰：先王以進萬國，親諸侯，敢以爲聖祖頌。詩曰：文武受命，召公維翰。又曰：虎拜稽首，對揚王休。作召公考，又以爲臣淮頌云。

皇明經世文編卷之終

皇明經世編

張文定集

高皇帝符三

平露堂

皇明經世文編卷之一百四十八

華亭

陳子龍臥子 宋徵璧尚木

選輯

徐孚遠闇公 李 雯舒章

劉 芳墨仙叅閱

王肅敏公奏疏

疏

王廷相

爲激變地方事

遼東軍變

查得激變良民律條凡牧民之官失于撫字非法行事激變良民因而聚衆反叛失陷城池者斬由律議

度之必致反叛之狀已形。城池之陷已確。而後罪至處斬。今據所奏事情論之。衆軍擁赴都察院喊叫虧枉。不過欲巡撫控求免困苦而已。使當時爲呂經者。善于應變。鎮靜不動。不致越牆而走。則亦軍民越訴之常耳。惟其先自避匿。以故衆軍恐有不測。爲累非小。故拘禁于都司。遂致形迹可惡。則衆軍之罪也。原無殺人。原無放火。原無劫奪姦淫等狀。安可謂之反叛。在衆軍旣無反叛之迹。而劉尚德却叅以激變之罪。異于情律。法兩不相合矣。照此擬罪。豈不冤枉。但

劉尚德攘其撫馭乖方爲罪之首固不可逃又據所奏凡在遼陽總軍操守門等官并皆叅其失職至于軍士雖無反叛重情其拘制都御史細打都指揮檀出獄中罪人擅收九門鎖鑰亦當求其爲首者十數人以正其罪庶朝廷紀綱不致因而廢壞各邊軍

魯家隱

士知警不致因而效尤此爲正議此爲遠謀今乃不

爲巡按原奏如此似爲失依或爾時軍情未靖不得

此之急于各官之叅則大小不遺于軍士之罪則曲

不爲解網之言以俟朝廷執法耳

爲回護且各官之所以得罪者以軍士狂悖之故也今獨叅其官而所以得罪者則舍之不言是豈法理

之正。稱物之平平。且如往年大同逆軍。戕害主將。罪

在不宥。撫臣倉皇無謀討敵。此蓋一時貪生惜命之

計。猶有說也。今遼陽軍士。既無反叛之惡。必無至死

○士○先○見○之○以○安○其○心○

之罪。大之不過克軍。小之不過徒杖。若索其爲首之

人。彼亦自然聽服。豈敢不受法理。固于抗上以自取

大。同。逆。軍。滅。族。之。禍。也。哉。柔。懦。之。論。不。足。謀。國。苟。且

之見。大失事會。唐人姑息。終成藩鎮之強。職此故也。

履霜堅冰。不可不戒。方今聖人在上。天下全力賢

智滿朝。虎將無數。東舉則東摧。西指則西摧。在唐憲

宗時方強藩鎮猶能勘吳元濟之兇而制王承宗之命。今不過十餘頑卒。乃歉懼而不明白。以聲罪示懲。豈不損國威而失典刑哉。

聖駕南巡思獻愚忠疏

諫止駕幸承天

仰惟皇上下諭禮部欲躬詣顯陵相卜吉兆。旬日之內合行事宜靡不整辦齊備。戒行有期。臣竊觀皇上南行之計決矣。必矣無疑矣。但臣日來積有私憂過計之慮。欲聞皇上九發九止而不敢輒觸君父之怒。旣而思之。人臣事君有犯無隱。心有所不

忍而不言，是自欺其心，不忠甚矣。况大臣有心膂股肱之托，與人主有同戚共樂之義者哉？故終不得不爲皇上陳之。伏惟宥其斧鉞之誅，少加聽納，幸甚幸甚。伏自聖諭下，謅南巡以來，說者曰：所過地方災傷特甚，人相啖食，流民載路，盜賊蝟興，恐有犯屬車之塵，以致驚動乘輿者。又云：聖駕南巡，近邊酋虜如花當部落，聞風爲患，深入腹裏，如往年搶至昌平地方，致使京師戒嚴者。又有云：今日之行，扈衛官軍旗校及內外從官諸色人役，不下數萬，其糧料艸

束車輻馬匹、各處供應、所費不貲、郡縣倉庫、在在空虛、百姓聞風逃避、有司無所措處者、皆衆人之所慮、患之在外者、若處置得宜、猶可保其無虞、臣之所慮、乃不在此、仰惟皇上玉體清明、常加靜養、善攝、猶時小有不快、今也遠涉長途、日月登歷、縱安輿輕輦、未免勞頓、而况衝冒風塵、隔殊水土、六氣襲之、五內受之、萬一倘致聖體違和、聖心不暢、誰其任之、登頰山原、不如深宮大庭雍容之爲安、觸冒風塵、不如逸神靜志逍遙之爲樂、皇上何乃自苦而必欲

文從相如諫張退之諫張尚書來忠愛可所

親行哉。臣嘗每日于朝祭之時。獲觀天顏潤粹。發氣滿容。便于一二大臣言之。不覺喜動于心。時而聞有不快。卽爲不樂。今者一皇上遠行。去逸就勞。令靜而動。安得不爲皇上慮之。此臣之所以不得不竭愚忠陳之也。臣又再三思之。人君巡幸一事。其所關係至大。至重。至緊。至要。何以言之。居中可以制外事。勢機權盡由我也。處外必假付託。事勢機權半由諸人也。况勞人動衆之餘。加之苦急無聊之故。變生于倉卒。患起于不測。此理勢之或有者。觀諸自古以來。

人主巡幸之事載在史冊足爲後世殷鑒者其得失安危之跡可攷而知也知之而不言之是無深遠先機之見者也。是以至難之事艸艸視爲容易泛常者也。是不愛重其君。犯險履危。徼倖於萬一無事者也。伏望皇上垂鑒往事少爲加察焉。且皇上必欲躬詣顯陵者乃欲自致其誠孝于先皇也。以臣觀皇上之孝蓋自古以來所未有者矣。何以言之。漢宣帝曾繼昭帝之統矣。而不能尊皇其父。宋理宗能皇其父矣。而不能稱帝以廟祀。漢哀帝能稱皇而

廟祀矣。而不能宗祀以配天。今皇上之於睿皇
廟祀矣。薦謚矣。稱宗矣。配天矣。而因心之愛。無所不
極。自臨御以來。建皇極。贊天地。康四海。服諸侯。而繼
述之業。日爲之隆。雖大舜之克孝。武王之達孝。亦未
有過于此者。伏望皇上自信之自重之。况天子之
孝與士民不同。又何必躬自勞苦。遠涉數千里之途
以下同于士庶人之愛敬乎。今日之事。皇上必欲
合葬。或送而南。或遷而北。定有宸斷。臣請當事自行
仍望皇上選遣安靜老成曉事親信內臣一人。與

臣同事再勅內官監選責各色該用人匠數十人、聽臣指使、或送或遷、兩月之內、卽有次第。皇上安居九重、清穆高拱、而臣等亦能辦集其事、却將戶部所供糧艸賞賜各項銀兩、留爲修建顯陵之用、一舉三得、不惟可以慰皇上誠孝之心、亦可以免皇上遠行之勞、亦可以濟修陵之費、大事易得以襄而亦無意外之虞矣。宗社幸甚、天下幸甚。

天變自陳疏

掌憲時自陳

准禮部咨爲修省事題奉 聖旨、朕仰承天慈下戒、

實切戒懼、還待朕行祭告禮、修省着今日始青衣角帶至祭日止、百官勿外示儀飾、須中加省畏、自陳係行、餘罷、欽此、欽遵、移咨到院、咨行到臣、仰惟皇上欽承天道、寅畏神祇、百凡敬事和民、無所不用其極、宜乎天心格而和氣襲、邇者奉先寶殿、乃有震雷之變、都城鼓樓、復有龍火之災、若此天人不順應者、臣俛而思之、皇上憲天之政、如此其至、望治之心、如此其切、今日之災變、夫豈皇上致之、意中外臣工不能仰體聖心、奉職無狀、所致爾、臣謹以今日

中外士風臣節頽壞之狀爲 皇上陳之以見臣竊

位不職宜先黜罷之由伏惟 聖明察焉記曰大臣

法小臣廉古之士風如此天下易乎不治社稷易乎

不安臣觀今日朝野之風大不類此廉靜之節盡喪

貪污之風大行一得任事之權便爲營利之計賄賂

大開私門貨積但通關節罔不如意涇薪可以點火

自畫可以通神是豈清平之世所宜有者乎在先朝

豈無賄者餽及百兩人已駭其多矣今也動稱千數

或及萬數矣豈無貪者暮夜而行潛滅其跡猶恐人

專重區餽少殊矣至末年分宜用事貪黷之風

嘉靖中士多利能然通求與先朝大臣

知今也。納賄受賂。公行無忌。豈非士風之大壞乎。大臣貪濁而日在高位。則小臣得于觀感之下者。將無不惟利是圖矣。京官貪濁而安處無事。則外官被其鼓動之風者。亦無不惟利是圖矣。大小效尤。內外征利。由今之道。不變其俗。則在上者日以封殖在下者。日以剝削。民窮盜起。而國事日非矣。豈非時政之大害乎。且古之大夫難進而易退。寧自守已以俟時。無寧違道速化以失已。寧遁世不見知而不悔。無寧熱中阿附。毀道以求進。蓋以其見道明。用心剛。素有所

養而然耳。由是人主舉而用之。大則可以康濟世務。小則可以風勵時俗。而不失民望焉。豈不有益于國。臣觀今日士大夫之風。殊與此異。恬退者衆。嗤其拙。奔競者咸嘉其能。一登仕宦之途。卽存僥倖之志。或以諂諛售。或以賄賂求。或以奉承得。甚至一員有缺。各趨權勢之門。講論年資體例。應得之故。既定則後講者或不能得。以是無不爭趨走捨而論之。往來頻數。閤者厭煩矣。旣講而得。則人咀華騰謗。雖吏部亦難於處措。故京師有講論捨擢之嘲。斯人也。自以爲

得計而不知有識者之見笑于側矣。夫恬靜者君子之流也。奔競者小人之類也。奔競者進則恬靜者必退。由是以小人引小人而朝廷之上無君子矣。無君子則法揆何由而清。紀綱何由而正。姦宄何由而除。是奔競之風熾。世道不祥之機也。豈非時政之大蠹乎。仰惟皇上聰明神聖。允邁堯舜。道源政本。澄清宜矣。而臣下貪穢奔競之風。至于如此。豈不可大怪耶。臣惟都御史職任糾劾百僚。振肅風紀。今茲二者官邪風壞。莫此爲甚。旣不能正身格物。使風清弊

絕復不能不避嫌疑以抗疏論列。悠悠坐視日惟嘸
嘆致使內外奸貪公行無忌糾察何在振肅何在由
是言之臣之不職在庭之臣莫有踰者雖蒙皇上
天德包容不卽誅罰而臣尸祿曠職罪安所逃且夫
一婦含冤三年不雨忠臣下獄六月飛霜事乃至微
而天應甚著况賄賂交通匪人在職中間事情乖變
賢否顛置害及地方視之上干和氣以召天變實
臣奉職無狀致之矣伏望皇上將臣罷歸田里別
選才賢以端實政可以責成懋功可以建立庶政修

省以實而災變亦可弭矣

請辯馮恩罪狀疏

請宥言官

嘉靖十四年四月十七日該司禮監太監張欽傳奉聖旨、如今天氣暄熱、兩法司并錦衣衛見監囚犯、笞罪無干的放了、徒流以下、并減等議審發落、重囚情可矜疑、并枷號的、都寫來看、欽此、欽遵、仰我皇上好生之德、與天同體、臣備員法司、敢不祗承休命、以奉宣德意乎、臣于去冬會同吏部尚書汪鋐等奉命審錄罪囚、審得刑部犯人馮恩、犯該上言大臣德政

斬罪臣與鉉等以本犯罪狀與律不類情實可矜擬
以有詞再問伏蒙 聖旨依擬今已數月矣未見刑
部再問明白擬奏今者又奉欽恤之命臣乃執法之
官若隱忍不言致使 皇上欽恤之仁不被于下厥
罪深重焉用執法爲哉臣伏覩 皇明祖訓有云凡
官員士庶人等敢有上書陳言大臣德政者務鞫問
情由明白處斷本註云如漢王莽爲相操弄威福平
地以新野田二萬五千六百頃益封莽莽不受吏民
上書頌莽功德者前後四十八萬七千五百七十二

人遂至威權歸莽、傾移漢祚、大明律條意亦同此。切
惟聖祖垂訓制律之意、慮後世宰執奸邪、暗邀人
心、以危社稷故耳。今馮恩所犯情狀、揆之于此、實不
相類。何以言之、尚書汪鋐掌都察院之日、而恩曾挾
私妄劾、及鋐轉陞吏部尚書、恩之意以鋐必害已、故
先爲論列以制鋐、不敢發、且波及一二輔臣以示其
非私劾鋐、至于舉論尚書夏言、王憲等之賢、亦不過
亦未必一爾也、似評陽舉朝大臣亦爲失弊
假藉言官論列之公、以濟其害鋐之私耳。比諸稱頌
王莽功德、本不相類。臣與鋐等擬以有詞再問者、此

也。伏乞陛下矜憐之。臣又聞之前輩有云：我朝

祖宗以來有三美政。皆前代所不及。不與夷虜和親一也。不使外戚與政二也。不以論諫殺言官三也。夫言官人主耳目也。耳目聰明。不致蒙蔽。則人主洞燭奸邪。萬里畢照。社稷之福也。故古聖王之於言官。言善則行。言不善則優容之。所以廣聰明而鎮奸回也。言官至于殺戮。則臺諫之臣。括囊惜命矣。誰復敢犯危而言之。夫奸邪無種。乘便乃生。使言官畏禍而緘默以自保。此小人得志之秋也。蒙蔽奪其聰明。奸黨

隱于肘腋。人主孤立而無聞見。豈不危哉。我祖宗以來。不殺言官。大意以此。伏惟陛下鑒察之。且恩不足惜。關係朝政之大爲惜耳。伏望陛下再勅刑部擬辯律意。與恩所犯情罪。果令與否。再行具奏。上請定奪。則皇上欽恤之仁。不致遺漏而可矜之囚。亦得以破更生之澤矣。

修舉團營事宜疏

選軍惜馬操練

臣等竊惟蓄威昭德。人主之大權。居重馭輕。立國之至計。卽惟京師宸居所在。實諸夏之根本。爲四海之

會極使無宅中制外之形焉。享久安長治之福。洪惟
我太宗文皇帝遷都之後。京師置七十二衛所。約
官軍不下三十餘萬。畿內置五十餘衛所。約官軍不
下二十餘萬。以外言之。括諸邊之兵。不能過此數。以
腹裏言之。括諸省之兵。不能過此數。聖慮神謀。超軼
唐漢。其爲居重馭輕之圖。深哉邈矣。而不可加也。但
平成旣久。兵政日弛。尺籍雖存。而逃亡罔稽。營伍雖
具。而兵馬欠精。是以士卒太減于國初之額。時而逆
盜竊發。而反藉力于邊方之卒。居重馭輕。厥勢安在。

言及於此。誠可寒心。臣等猥以庸愚。專茲管務。夙夜
惕厲。恐負重託。謹以在營切要三事。會同太監麥福
看議得。率必精健。而後兵可強。故論選軍。馬必臚壯
而後戰可力。故論惜馬。兵強馬力。使不置之以操練
之法。則武藝不閑。戰鬪有怯。亦不堪于用矣。故論訓
練。伏乞勅下該部。議處將軍馬錢糧。通作一家計筭。
勿忌夫事權之不一。勿拘夫事例之不合。惟在劑量
事情。斟酌時措。要于武備修舉。足爲國家經久之畫。
再行具奏。上請定奪。管務幸甚。臣等幸甚。

一選軍、臣等伏觀大明會典營練事例、節開永樂初年、立五軍營、又有三千營、又以大寧、山東、河南附近衛所、摘撥官軍輪班上操、以內衛京師、外備四方征伐、俱屬五軍營操練、景泰初、選三大營精銳、分立十營團操、以備警急、調用是爲團營、每營官軍一萬餘員名、至成化三年、復爲十二營、共該官軍一十二萬員名、又查得弘治十三年十月內、爲選軍給馬、預修武備、以防外患事、該兵部題查得團營初選軍馬之時、京衛八萬、外衛八萬、其外衛分爲兩班、每班四萬、

連京衛八萬共一十二萬其三大營內外揀存官軍之數不與焉。臣等會看得卽今團營內外官軍雖有十二萬之數而京衛撥去捕盜已該五千六百員名外衛撥去做工及搜木等項常不下二萬有零。雖云暫時借用而管伍終年空缺其見操者中間老弱疲羸不能執兵習熟者甚衆較閱之餘已不堪觀。脫有緊急邊情調遣又安望其投石超距奮勇以衝虜哉。及今若不早爲設法精選終是虛應故事徒糜糧餉千兵無益。臣等以爲管伍不能充實軍士不得精練

其大要者有三。軍無定用一也。替役之難二也。隱避之姦三也。何謂無定用。夫軍役戰勝攻取。須平日養其銳氣。精于武藝。不以雜役奪其操練。斯志一事專。奮發果敢。直前無敵矣。今團營軍士。派之雜差。撥之做工。留之拽木。終歲不得入操。困苦以勞其身。而敵愾之氣縮。舂鍤以奪其習。而弓馬之藝疎。雖有團營聽征之名。實與田畝市井之夫無異。欲其戰勝攻取。以張皇威武。夫何敢望。何謂替役之難。軍士類多貧下。吏胥無賄不行。文書到衛。衛吏刁難。文書到司。司

吏勒措。縱是真正子姪。亦須用財打點。方保無事。貧者度日尚難。安能辦此。是以終年累月。老弱在營。苟且應役。而精壯子弟。不得收操矣。何謂隱避之姦。團營軍士。皆是大營挑選壯丁。以聽征者。先年多有富實奸滑之徒。畏懼管操出征之苦。買求該管人員。作爲不堪之數。揀存本營。未曾選出。貧者不能管幹。而常川操練。富者終歲安閒。得以躲閃。由斯三者。軍士所以不精也。臣等伏乞勅下兵部通行議處。差委本部驗軍官。會同點軍科道官員。三大營并團營官軍。

各照各衛真正戶口文冊，一一挑揀，委果年力精壯者，方許留在團營，中間老病羸體，貌委瑣不堪教練者，盡行革退。有少壯子姪者，卽時摘牌替役。無子姪者，發回三大營。其有老病逃故爲事久不回營等項，弟男子姪亦要查出照冊從公揀選，但係年力精壯，武藝頗習，在冊有名，及先年欺隱不入冊者，卽與收補其內外衛兩班輪操官軍上班之時，亦照例揀選，仍查照先年團營額數，內衛外衛共湊一十六萬，備造年貌籍貫文冊收照，不許各衛擅自更替。果有

事故。方與另補。各營操演教習武藝。專備聽征之用。其團營襍項差役。并各處做工拽木等項。止于三大營。揀存數內。撥用。仍查照弘治十一年十月內兵部爲修武備以壯國威事。題准事例。團營軍士。並不得改撥。如此則軍皆精壯而威武無不振之患矣。

一惜馬。照得團營馬匹。乃朝廷武備大計所關。軍士領養之後。多致瘦損倒死。此馬出小民脂膏。今處之輕如艸芥。誠爲可惜。臣等會看得馬之瘦死。其故有三。艸料不足一也。給領失宜二也。餵養無法三也。

何謂艸料不足。查得團營馬匹有曰存操者。自四月起至九月終止。有料無艸。有曰下場者。自四月起至九月終止。無料無艸。惟十月入操之後。至三月終止。二項之馬俱有料。而所給之艸。又俱止三箇月。以一年計之。存操之馬俱有料。而無艸者九箇月。似料穀而艸不足。下場之馬止得半年之料。而無艸亦九箇月。艸與料皆爲不足矣。馬給于官。非着已之物。自備艸料。乃切身之苦。雖得過軍士。猶不肯賠錢以養馬。況貧難之軍。自給不暇。安能念及于公家之畜哉。無

怪乎在營之馬。日惟飢瘦而多斃矣。此情甚真。此理甚明。無難知者。而該部每以舊例止之。夫法難執一。事有時措。祖宗以來。諸司之例。隨而變者亦多矣。卽如下場之馬。弘治以來。尚隨場收放。今艸場半爲田畝。而民間納租銀矣。營馬隨便收放。而軍士不出京城矣。其牧馬之資。非軍士自備。而何所出哉。此時猶執下場採青之例。豈非名實相背。而近于膠柱之政乎。官以非事例而不肯給。軍以非着已而不肯賠。則夫無所足食之馬。惟日視其斃而已。則馬之爲命。

豈不寬哉。且一馬之價。小民解微到京。所費無慮三四十兩。而乃吝此數月艸料。以致瘦死。是所惜者一

倍之利。而所失者數十倍之多。豈非顛越之筭乎。蓋

養馬之法。軍中特設一官。

以掌馬者。權不及財。而掌財者。意不急馬。各競其職。

以爲勝。故如是耳。使通做一家幹事。則艸料馬疋。皆

切已之物。必酌量事體之輕重。分別利害之多寡。而

行之。豈肯惜些小艸料之費。而致傷三四十兩之多。

之馬哉。伏乞勅下戶部再行計處。合無將存操馬匹

再添三箇月之艸。按月給籌半根。六箇月共十二根。

下場馬匹再添六箇月之料。三箇月之艸。通融放給。亦可穀一年之用。再照兵部團營艸場。乃爲牧馬而設。今所收租銀。以之養馬。乃爲本等。今則收貯太僕寺爲買馬之用。似爲不倫。且自嘉靖七年題准之後。至嘉靖十二年。共該六年。每年租銀八千四百五十六兩三分八厘二絲。六年共該五萬七百三十六兩二錢二分九厘二絲。至今並無分毫徵解到寺。豈非怠緩乾沒。重傷國課乎。合無兵部再行計處。今後艸場租銀。該部定委廉能官員。會同州縣官。依期徵收。

完月。通解戶部以備營馬艸料不敷之用。臣等又查
薊鎮二州牧馬未開地土。薊州尚有地七百二十三
頃九十七畝五分。霸州尚有地五千二百四十頃二
畝二分四厘。若肯通行召民佃納。每畝照舊收租銀
二項一年共該銀二萬六千三百四十八兩六錢三
分三厘。通爲給軍養馬之數。亦足助戶部艸料之費。
似爲便宜。何謂給領失宜。軍士家道頗過。則居必有
房屋。付之養馬。艸料必不短少。頃置必不暴露。今各
營軍士家道得過者。以領馬爲累。賄賂人情。百方買

脫。僥倖差撥。務取輕閑。富者既不領馬。所領必及于貧。此等貧軍。賃房而居。待糧而食。賃房則馬必無棲止。而露地以居。露居則雨雪之來。無以遮蔽。而馬苦

尚有鹿苑驛騎人之害

矣。待糧則食必無餘。而自養不足。則艸料之資。反以養人而馬飢矣。馬苦而飢。欲其不瘦損而斃得乎。今無兵部再行計處。差官會同點軍科道官。將三大營并團營軍士從公查審。但係得過之家。通行查出。賃房貧軍所領之馬。一一交與領養。如此庶馬皆得所。不致傷損。似爲便宜。何謂餵馬無法。士卒閔中艸料。

散出各處。從其自養。莫有稽攷。中間畏法之人。愛惜馬匹。餵以實艸料。其馬始終臙壯。無他病損。有等奸頑之徒。未閑今色。則已賣籌與人。閑到折色。徒爲自養之具。而惟啖以酒糟。性熱而味惡。性熱則生瘡。而傷氣。味惡則不做臙。而損力。雖極壯之馬。數月之後。卽生羸病。不堪騎操。甚者不能食糟。因之而斃。雖有比較肥瘠之令。終無以察其艸料之實。若不制以餵養之法。終莫救其害馬之弊。臣查得在營每把總下所屬之馬。有百匹者。有七八十匹者。中間有上臙者。

有中鑣者。有無廳者。除上廳中廳聽其自養不計外。其無廳之馬。令無兵部科道官再行點軍。退貧軍。仍赴京操練。每一把總各集一處。或街或巷空地。申酉二時把總官親至其處。一點視。皆以熟艸細料餵之。餵畢各散。臣等亦不時差官驗視。夜間聽其自養。一箇月之後。點軍科道驗有廳息者。免其會餵。其有廳自養者。科道仍行嚴禁。不得餵以酒糟。若被地方兩隣告發。或在營驗出。皆送法司問罪。如此則瘦馬有處。而軍士知警。似爲便宜。再照聽征馬匹。雖大邊

情調遣多不過二萬之數。再有馬匹存營操守亦可
殺用。倘事勢緊急。猶有各州縣寄養備用馬二萬隣
近易取。若軍士堪養馬者數少。亦不必濫給。合無兵
部再行計處。將團營聽征馬匹擬爲定數若干。每遇
事故倒失至五百匹以上。行太僕寺覈給一次。以爲
常規。如此不但愛惜馬匹性命。而戶部艸料之費亦
可以節省矣。

一訓練。古語云。教士三萬橫行天下。故齊桓有節制
之兵。秦之銳士不敢當。岳飛五百背嵬之軍。兀朮巨

萬不能敵。由是觀之，兵必教成而後可以勝敵矣。使士馬精壯而武藝不熟，則臨敵無可恃之能。對壘乏敢戰之氣，安望其出奇取勝哉。此訓練舊規。除下營走陣法度整齊，進退可觀，旗幟金鼓號令，俱有節制。及累年在營舊軍，武業頗習，堪備征伐無諫外，但今新選之後，與各營新補戶丁，皆係未曾操練軍士。其數尚多，若不嚴立賞罰，時加比較，揀選雖精，徒爲無用。查得大明會典載有教練軍士之法：凡騎卒必善騎射及鎗刀、步卒必善弓弩及鎗刀，凡無十二箭六

箭遠可到、近可中者爲試中、遠可到以一百二十步、近可中以五十步、凡用鎗刀以進退習熟爲試中、臣等以爲自今之後、各營該操五日之內、三日教習、二日操演、教習之日、不得仍舊射箭九回、落旗而散、各該把總官督令各色馬步教師、一一指授方法、如何挽弓、如何馭馬、如何滾刀、戈矛牌銃、無不教習、以多爲能、不拘回數、黎明從事、已末方散、不中式者、當時責治、治已再教、務使合式乃已、此後二日操演、調隊比較、仍依舊規、夫教習不倦、則莩騎精趨、莩騎精趨

皇明經世編



王肅敬疏

摺

主

平露堂

則胆氣增倍、胆氣增倍、則遇敵不惧、能以少擊衆、以精制強、更以諳曉韜畧之將御之、則或正或奇、隨所願指、呼吸變化、動中機宜、又何敵有不克者哉、其號頭把總管隊等官、督教一年之外、臣等會同兵部堂上官視驗其所教軍士、試中爲率不及六分以上者、奏請罰治、其試中車士、筭及八分以上者、公同會舉陞賞、推用、每二年一次舉行、如此庶營操着實、而兵皆練習可用矣

皇明經世文編卷之終